



Concello de Lugo

ESCOLA MUNICIPAL DE MÚSICA

CMC/mar

Asunto: bases matrícula Escola Municipal de Música curso 2019-20

DECRETO NÚMERO 19003021 DO 08/04/2019

Ilmo. Sr. D. Manuel Núñez López, Tenente de Alcalde Titular da Área de Educación e Infraestructuras urbanas do Excmo. Concello de Lugo.

Instruído o expediente relativo á: bases e convocatoria do proceso de matrícula na Escola Municipal de Música do Excmo. Concello de Lugo para o curso 2019-2020, vista a proposta do Director da Escola, con conformidade do Tenente Alcalde Titular da Área.

En uso das atribucións que lle confiren á Alcaldía os artigos 75.5, 124 e 126 do texto vixente da Lei 7/85, de 2 de abril, reguladora das bases de réxime local e concordancia do Regulamento orgánico municipal do goberno, administración do Concello (ROMGA), atribucións delegadas pola Alcaldía según decreto número 16008543, de 9 de novembro de 2016, do Libro de Resolucións

RESOLVO:

PRIMEIRO.- Aprobar as bases e convocatoria do proceso de matrícula na Escola Municipal de Música do Excmo. Concello de Lugo para o curso 2019-2020 e que seguidamente se transcriben:

“ASUNTO: BASES QUE REXIRÁN O PROCESO DE MATRICULACIÓN NA ESCOLA MUNICIPAL DE MÚSICA DO EXCMO. CONCELLO DE LUGO PARA O CURSO 2019/20:

Desde a Escola Municipal de Música do excmo. Concello de Lugo propóñense as seguintes bases de matrícula para o curso 2019-2020.

1. Obxecto da convocatoria:

As presentes bases teñen como obxecto regular o procedemento de admisión de alumnas/os na Escola Municipal de Música do Excmo. Concello de Lugo en convocatoria ordinaria para o curso 2019/20.

2. Número de prazas ofertadas:

A Escola ofertará anualmente un número de prazas por especialidade instrumental.

Ofértanse o seguinte número de prazas e carga lectiva semanal de cada un dos instrumentos e materias que a continuación se indican:

2.1 BLOQUE A:

- Fruta traveseira: 23 prazas
- Clarinete: 58 prazas
- Saxofón: 40 prazas
- Fagot: 8 prazas
- Trompa: 8 prazas
- Trompeta: 18 prazas



MURALLA
patrimonio da humanidade

Código Seguro de Verificación: B96UilIC0sOd4JhYrM6lFw==



- Trombón: 18 prazas
- Bombardino/Tuba: 30 prazas
- Percusión: 16 prazas
- Gaita: 20 prazas
- Pito Pastoril galego: 11 prazas
- Piano: 22 prazas

As clases nos instrumentos anteriormente sinalados serán compartidas, con 3 alumnas/os como máximo.

2.2 BLOQUE B:

Clases individualizadas de calquera dos instrumentos do bloque A: Só se impartirán no caso de dispoñibilidade de horario, de aulas e de docentes.

2.3 BLOQUE C:

Requírese estar en posesión duns coñecementos mínimos previo informe favorable do mestre da materia.

- Música e Movemento: 96 prazas (36 prazas en música e movemento 1, para nados no ano 2015), e (60 prazas en música e movemento 2, para nados en 2014).
- Formación Básica: 180 prazas (90 prazas en formación básica 1, para nados no ano 2013), e (90 en formación básica 2, nados no ano 2012).
- Linguaxe Musical (de 8 a 16 anos): 210 prazas (75 prazas en linguaxe musical 1, para nados no ano 2011), (30 prazas en linguaxe musical 2), (45 prazas en linguaxe musical 3), (30 prazas en linguaxe musical 4), (15 prazas en linguaxe musical 5), (15 prazas en linguaxe musical 6).
- Formación de Adultos (a partir de 16 anos e sen límite de idade máxima): 90 prazas.
- Improvisación: (sen límite de idade) 20 prazas.
- Informática Musical: (sen límite de idade) 6 prazas.

2.4 BLOQUE D:

- Big-Band: 15 prazas
- Grupo de Clarinetes: sen limitación de prazas.
- Grupo de Saxofóns: sen limitación de prazas.
- Banda de Música: sen limitación de prazas.
- Banda infantil (menores de 15 anos): sen limitación de prazas
- Coro Moderno: sen limitación de prazas.
- Grupo Tradicional: sen limitación de prazas.
- Grupo de Pandeiretas: sen limitación de prazas.
- Círculo de Tambores: 15 prazas.
- Grupo de Percusión Tradicional: 7 prazas.
- Grupo de Metais Graves: sen limitación de prazas.
- Aula de Técnica (metais graves): sen limitación de prazas.
- Combo de Metales: 15 prazas.



3. Requisitos das/os interesados:

Para poder ser admitidas/os na selección, as/os interesadas/os deberán ter unha idade mínima de:

- Bloque A: nados a partir de xaneiro de 2011
- Bloque B: nados a partir de xaneiro de 2011
- Bloque C: idades establecidas no punto 2.3
- Bloque D: nados a partir de xaneiro de 2011

4. Criterios de adxudicación de prazas:

Establécense por orde os seguintes criterios de adxudicación de prazas:

- 1.- Alumnado da Escola Municipal de Música matriculado durante todo o curso anterior á presente convocatoria para o mesmo instrumento que se solicita, e que non excedera dos 6 anos de permanencia en calquera instrumento.
- 2.- Alumnado da Escola Municipal de Música matriculado durante todo o curso anterior á presente convocatoria en Formación Básica 2, que solicita instrumento por primeira vez.
3. Alumnado da Escola Municipal de Música matriculado durante todo o curso anterior á presente convocatoria en Linguaxe Musical ou Formación de Adultos.
- 4.- Alumnado de nova inscrición.
- 5.- Alumnado da Escola Municipal de Música matriculado durante todo o curso anterior á presente convocatoria que desexe cambiar de instrumento e non excedera os 6 anos de permanencia en calquera instrumento.
- 6.- Alumnado da Escola Municipal de Música que xa excedera os 6 anos de permanencia en calquera instrumento.
- 7.- Alumnado con segundo instrumento.

O alumnado xa matriculado na Escola terá un prazo para reservar a súa praza para o seguinte curso; o alumnado que non se matricule en dito prazo non terá dereito a reserva de praza e pasará a ter a consideración de novo alumno/a.

Todo o alumnado admitido deberá presentarse para a elección horaria. Non terá ningún efecto a orde de matriculación na obtención de praza nin na elección horaria, sendo o sorteo por letra a única fórmula válida.

Procederase a aplicar o sorteo por letra en cada un dos criterios sinalados anteriormente.

Establecerase unha listaxe de agarda xeral, sendo citado o alumnado ao inicio do curso en reunións extraordinarias para a escolla de entre as vacantes de todas as especialidades instrumentais, sempre pola orde do sorteo por letra.

A escolla de clase de instrumento individual do bloque B (clase individual de 1 hora) nas materias instrumentais, quedará supeditada a existencia de prazas vacantes na especialidade, ou ben a criterios de individualización pedagóxica por necesidades educativas específicas, sempre coa debida xustificación de ditas necesidades e informe positivo da Xefatura de Estudos da Escola.

8.- Solo se poderá estar matriculado en un instrumento.

9.- Ante a baixa de longa duración dun docente, o alumnado do mesmo poderá tramitar a baixa de matrícula no centro con reserva de praza. Unha vez o docente volte da súa baixa o alumnado poderá matricularse de novo no mesmo curso e materia.



5. Forma e prazo de presentación de solicitudes:

As solicitudes das persoas interesadas presentaranse no Rexistro Xeral do Concello de Lugo ou en calquera dos medios establecidos no artigo 16.4 da Lei 39/15, de 1 de outubro, de Procedemento Administrativo Común das Administracións Públicas, nos seguintes prazos:

- Alumnos da Escola con reserva de praza: do 22 de abril ao 22 de maio de 2019.
- Alumnos de novo ingreso: do 22 de maio ao 21 de xuño de 2019.

As persoas interesadas deberá presentar:

- a) Solicitud en modelo específico debidamente cumprimentado. No caso de alumnas/os menores de idade, a solicitude deberá ir asinada pola nai, pai, ou persoas que representen legalmente a/o menor.
- b) Fotocopia do DNI da persoa interesada maior de idade, ou da nai, pai, ou persoas que representen legalmente á nena ou neno no caso de menores de idade.
- c) Certificación bancaria da conta onde se desexe domiciliar o pagamento dos recibos pola utilización do servizo municipal da Escola Municipal de Música onde apareza titular e número de conta.
- d) 2 fotografías tamaño carné da/o alumna/o.

6. Resolución:

Valoradas as solicitudes recibidas segundo os criterios establecidos no apartado 4, procederase á publicación das listaxes provisionais de alumnado admitido, excluído e de agarda, establecéndose un prazo de 10 días naturais no que as persoas interesadas poderán realizar as alegacións que consideren oportunas. Resoltas as reclamacións, de ser o caso, procederase á publicación definitiva de listas, determinándose nas mesmas o día e hora no que se convoca às/ós alumnas/os admitidos para a elección do horario de docencia de cada instrumento ou especialidade.

A prioridade para a elección de horarios das/os alumnas/os, tanto de reserva coma de novo ingreso, determinarase pola mesma orde na que figuran nas listas de admitidas/os tras a aplicación dos criterios establecidos para a adxudicación de prazas, o sorteo por letra.

No caso de producirse renuncias de prazas ou baixas, as vacantes ocuparanse coas/cos solicitantes que figuran na lista de agarda de cada instrumento ou especialidade musical elexidos por rigorosa orde.

Poderase presentar solicitude fóra do prazo establecido ata finais do mes de abril en curso de convocatoria, que se terán en conta sempre que existan prazas vacantes e con informe favorable do profesor/a da materia.

A renuncia expresa na praza ofertada pola Escola Municipal de Música implica a baixa da/o alumna/o na escola, sempre e cando non esté matriculada/o noutro instrumento ou especialidade con asistencia ás clases da mesma. A baixa na escola non xerará efectos de reserva de praza para a matrícula na escola no curso seguinte.

7. Pagamento de taxas.

O alumnado deberá aboar as taxas establecidas na Ordenanza fiscal municipal número 405 reguladora do prezo público pola prestación dos servizos da Escola



Concello de Lugo

ESCOLA MUNICIPAL DE MÚSICA

CMC/mar

Asunto: bases matrícula Escola Municipal de Música curso 2019-20

Municipal de Música, con aplicación das bonificación e exencións establecidas a tal efecto. Serán gratuitas para o curso 2019-20 as materias de Banda de Música e Banda de Música infantil.

8. Aplicación das bases:

Todas as persoas solicitantes de praza na Escola Municipal de Música quedarán suxeitas ás bases desta convocatoria.

Calquera criterio discrepante na interpretación destas bases resolverase a criterio dos órganos directivos da Escola, así como toda casuística non recollida nas mesmas.

A docencia na Escola Municipal de Música será realizada por persoal municipal adscrito á Banda de Música e/ou á Escola de Música do Concello de Lugo.

O calendario escolar da Escola Municipal de Música rexirase polo que anualmente establece a Xunta de Galicia para a Consellería de Educación.

Lugo, 4 de Abril de 2019

SEGUNDO.- Dar publicidade da presente convocatoria, mediante anuncio no Boletín Oficial da provincia, no Taboleiro de Editos e na páxina web do Concello.

TERCEIRO.- Contra a presente resolución caberá interpoñer recurso contencioso-administrativo nun prazo de dous meses, contados a partir do día seguinte ao da súa notificación ante o Xulgado do Contencioso-Administrativo (artigo 8 da Lei 19/1998, do 13 de xullo), de Lugo, ou, a elección do demandante, ante o da circunscrición onde teña o seu domicilio. Malia o anterior, e con carácter previo e potestativo, poderá interpoñerse recurso de reposición, no prazo de un mes, contado desde o seguinte á notificación da presente resolución, sen prexuízo de que poida interpoñerse calquera outro recurso ou reclamación que estimen convinte ao seu dereito.

Así mesmo, déaselles traslado ás dependencias e ós servizos municipais afectados. Cúmprase.



MURALLA
patrimonio da humanidade

Código Seguro de Verificación: B96UilIC0sOd4JhYrM6lFw==